

Staatâräädi asáttás

rávhudittum ellei tovvátem vahâgij muuneeld estimist já sajanmäksimist adelum staatâräädi asáttás 2 já 7 § nubástutmist

Staatâräädi miärdás miäldásávt

Nubástittojeh rávhudittum ellei tovvátem vahâgij muuneeld estimist já sajanmäksimist adelum staatâräädi asáttás (115/2023) 2 § 1 já 3 moomeent sehe 7 §.

Tagarin ko toh láá, 2 § 1 já 3 moomeent asáttásast 678/2024 sehe 7 § uáassin asáttásast 678/2024, čuávuvávt:

2 §

Euroop union staatâtoorjâheiviittállâm heiviitem

Eellimvyeimikuávdás ij uážu miedettiđ rávhudittum ellei tovvátem vahâgij muuneeld estimist já sajanmäksimist adelum laavâ 10 §:st uáivildum išeruudâ, 15 §:st uáivildum sajanmáávsu tai 26 §:st uáivildum torjuu eennâm- já meccituálusyergi já eennâmkuávluvijđoduvâi staatâtorjust adelum komissio sundevijvij (2022/C 485/01) 23 saajeest uáivildum vaigâdvuodâin leijee iráttásân. Sajanmáávsu tai torjuu uázžu kuittâg miedettiđ, jis vaigâdvuodah láá vuálgus sajanmäksimnáál vaahâgtábáhtuumeest.

Eellimvyeimikuávdás kalga almostittiđ almolii tiätuviermist tiäduid 1 momentist mainášum sundevijvij 112 saajeest uáivildum tiäduin.

7 §

Tiädui almottem- já siäiludemkenigâsvuotâ

Eellimvyeimikuávdás kalga tátudijn toimáttiđ eennâm- já meccituáluministeriön 2 § 1 momentist mainášum sundevijvij 650 saajeest uáivildum ihemuštálus vaattâm tiäduid rávhudittum ellei tovvátem vahâgij muuneeld estimist já sajanmäksimist adelum laavâ vuáduđ miedettemnáál išeruudâi já sajanmáávsui peeleeest.

Eellimvyeimikuávdás kalga almottiđ eennâm- já meccituáluministeriön tiäduid Euroop union tooimâst tohhum sopâmuš 107 já 108 artikla heivitmist uccáá merhâšittee torjui kuálastem- já čäciviljälensyergist adelum komissio asáttás (EU) N:o 717/2014 vuáduđ miedettum torjuin aalmuglii pajerääján kyeskee vátámušâi čuávum várás.

Eellimvyeimikuávdás kalga siäiludiđ tiäduid 1 momentist mainášum laavâ miäldásijn išeruttâ- já sajanmäksimmiärdásâin sehe čievčâ pessiimân vuáduđuvvee kyelituálutoorjâmiärdásâin love ihheed.

Taat asáttás šadda vuáimán 1 peeivi uđđäivemáánu 2026.

1322/2025

Helsingi 18.12.2025

Pirâs- já šonġadâhminister Sari Multala

Lahâasâtemhovdâ Johanna Korpi